

Հ.Հ Արմավիրի մարզի Հայկական գյուղական համայնքի  
ղեկավար՝ Մ. Գևորգյանի 2014թվականի կատարած աշխատանքների  
ՀԱՇՎԵՏՎՈՒԹՅՈՒՆ

Մասնակցությամբ Հ.Հ Արմավիրի մարզպետի տեղակալ պարոն՝ Մ. Քարտաշյանի, համայնքի  
ավագանու անդամների և 61 համայնքի բնակիչների.

23.01.2015թ

Հայաստանի Հանրապետության Արմավիրի մարզի Հայկական գյուղական համայնքի  
ղեկավարը ղեկավարվելով Հայաստանի Հանրապետության Սահմանադրությամբ, նրանից  
բխող օրենսդրական և ենթօրենսդրական ակտերով, «Տեղական Ինքնակառավարման  
մասին», «Իրավական ակտերի մասին» Հայաստանի Հանրապետության օրենքներով,  
համայնքի ղեկավարի աշխատակազմի, ավագանու և գյուղապետարանի ենթակայության տակ  
գտնվող հիմնարկների աշխատակիցների միջոցով իրականացրել է իրեն վերապահված  
իրավասությունների շրջանակներում իր լիազորությունները:

2014թ. ընթացքում գյուղապետարանի աշխատանքային ծրագրի հիմքում դրված են եղել  
համայնքի սոցիալտնտեսական զարգացման գերակա ուղղությունները:

Հիմնական նպատակը համայնքի ազգաբնակչության կենսամակարդակի բարցրացումն է,  
որին հասնելու համար սահմանվել են կարևորագույն խնդիրներ, որոնք էլ անհրաժեշտություն  
է եղել լուծելու 2014թվականի ընթացքում: Այդ խնդիրների լուծման համար կարևորագույն  
պայման է հանդիսացել Արմավիրի մարզպետի, մարզպետարանի աշխատակազմի և  
համայնքի ավագանու ամենօրյա հոգատար վերաբերմունքը, որի արդյունքում արձանագրվել է  
որոշակի հաջողություններ, որոնք ըստ բնագավառների ներկայացնում են Ձեզ.

ԳՅՈՒՂԱՏՆՏԵՍՈՒԹՅԱՆ և ԲՆԱՊԱՀՊԱՆՈՒԹՅԱՆ  
ԲՆԱԳԱՎԱՌ

Համայնքի ղեկավարը աջակցում է համայնքի բնակչության գյուղատնտեսական  
աշխատանքների իրականացմանը, ինչպես նաև գյուղ մթերքների իրացմանը:

Հետևողական աշխատանք է տարվել ոռոգման ջրի մատակարարման համար: Չնայած այն  
հանգամանքին, որ 2014թվականի մարտի 31-ից ապրիլի 2-ը ընկած ժամանակահատվածում  
տեղի ունեցել ցրտահարություն և զգալի վնասվել է պտղատու այգիները, սակայն  
ստացված բերքը ժամանակին իրացվել է: Ցրտահարությունից հետո համայնքի ղեկավարի  
կարգադրությամբ կազմվել է հանձնաժողով և հաշվարկվել է հասցված վնասի չափը:

Առանց կորուսների կազմակերպվել է աշնանացան հացահատիկի բերքահավաքը:  
2014թվականի ընթացքում մի քանի դաշտամիջյան ճանապարհներ և կանուրջներ  
վերանորոգվել են:

Համայնքն ունի իր առանձնահատկությունները:

Ռիմնականում զբաղվում են հողագործությամբ, այգեգործությամբ և պտղաբուծությամբ:

Հայկավանի գյուղապետարանի կողմից կազմակերպվել է խաղողի բերքահավաքի և բերքի մթերման աշխատանքները, որի արդյունքում մթերվել է ամբողջ բերքը:

Արմավիրի մարզպետի անմիջական հսկողության 2014թվականի աշնանացան ցորենի համար տրամադրվել է ոռոգման ջուր, որի արդյունքում ոռոգվել է աշնանացան ցորենի արտերը:

Համայնքում առկա են նաև չմշակված հողատարածքներ, որի հիմնական պատճառներն են.

1. Հողասեփականատերերը բացակայում են համայնքից
2. Գյուղտեխնիկայի ոչ բավարար լինելը
3. Թունաքիմիկատների բարցր սակագները և անորակությունը:

Ուշադրության կենտրոնում է պահվում աճեցրած բերքի իրացման աշխատանքները:

Մարզպետարանից համայնքին հատկացվել է մատչելի գներով պարարտանյութ :

2014 թվականի ընթացքում Համայնքի ղեկավարի կողմից անմիջական հսկողություն է իրականացվել անասնաբուժական ծառայության գործում՝ պատշաճ կերպով կատարվում է բոլոր հակահամաճարակային միջոցառումները, որի շնորհիվ չի հայտնաբերվել ոչ մի տեսակի հիվանդություն:

Արմավիրի մարզպետ Ա. Ղահրամանյանը Կառավարություն է ներկայացրել ցրտահարությունից տուժած համայնքների կրած վնասների չափը, այդ թվում նաև Հայկավան համայնքի:

Կառավարությունը փոխհատուցել է ցրտահարությունից տուժած բնակիչների հողի հարկը, և ջրի վարձավճարների 50% :

Այդ դժվարին պահին համայնքներ այցելեցին Վարչապետ՝ Հովիկ Աբրահամյանը, Գյուղատնտեսության նախարար՝ Սերգո Կարապետյանը և Կառավարական այլ բարձրաստիճան այրեր Մարզպետ՝ Աշոտ Ղահրամանյանի ուղեկցությամբ: Նեցուկ կանգնելով գյուղացուն:

Արմավիրի Գ.Ա.Մ.Կ-ը հատկացրել է գյուղացիական տնտեսությունների լուլիկի, տաքդեղի և սմբուկի ցանկատարածությունների համար նախատեսված ՖԵՐՈՄՈՆԱՅԻՆ թակարդներ:

Գյուղ նախարարությունը օգնեց համապատասխան սերմերով, որոնք գյուղապետարանի կողմից բաժանվել են ցրտահարությունից տուժած ընտանիքներին :

Մարզպետարանը օգնեց առավել անապահով ընտանիքների երեխաներին տրամադրել ճամբարի ուղեգրեր:

Առևտրի և հասարակական սննդի, կենցաղային ծառայությունների ոլորտը վերահսկող հանձնաժողովը ժամանակին կատարում է իրեն վերապահված ստուգումները:

Համայնքում 2014թվականի ընթացքում գործում էր 5 առևտրի օբյեկտ, սակայն

տարեվերջում գործում էր 2 առևտրի օբյեկտ, 1 գազալցակայան և 1 ավտոլվացման կետ:

ՀՈՂԱՇԻՆՈՒԹՅԱՆ և ՀՈՂՕԳՏԱԳՈՐԾՄԱՆ  
ԲՆԱԳԱՎԱՌ

Համայնքի ղեկավարի ամենօրյա ուշադրության կենտրոնում է գտնվում և օրնքով սահմանված կարգով վերահսկողություն է իրականացվում հողերի նպատակային օգտագործման վրա:

Համայնքի բնակիչների հետ ամենօրյա աշխատանքներ է տարվում գույքահարկի և հողի հարկի հավաքագրման ուղղությամբ:

2014թվականի ջրի սակավությունը ազդել է հողի հարկի հավաքագրման աշխատանքների վրա :

ՔԱՂԱՔԱՇԻՆՈՒԹՅԱՆ ԵՎ ԿՈՍՈՒՆԱԼ ՏՆՏԵՍՈՒԹՅԱՆ  
ԲՆԱԳԱՎԱՌ

Կառավարության սահմանած կարգով վերահսկողություն է իրականացվում համայնքի քաղաքաշինական բնագավառում:

Քաղաքացիների դիմումների հիման վրա կատարվել են հողամասերի չափագրման աշխատանքներ:

Մշտապես կատարվում է խմելու ջրի ջրագծերի վթարների հայտնաբերման և վերացման աշխատանքներ: Ամիսը մեկ անգամ կատարվում է խմելու ջրի վարակազերծման աշխատանքներ:

Շաբաթը մեկ անգամ համայնքի տարածքում կատարվում է աղբահանության աշխատանքներ: Վերանորոգվել է կենտրոնական ճանապարհի լուսավորության ցանցը:

ՄՇԱԿՈՒՅԹԻ և ԵՐԻՏԱՍԱՐԴՈՒԹՅԱՆ, ԿՐԹՈՒԹՅԱՆ,  
ԱՌՈՂՋԱՊԱՀՈՒԹՅԱՆ, ՄՊՈՐՏԻ և ՍՈՑԻԱԼԱԿԱՆ ԾԱՌԱՅՈՒԹՅԱՆ  
ԲՆԱԳԱՎԱՌ

Համայնքում գործում է 1 դպրոց:

Աշակերտների թիվը 128

Ուսուցիչների թիվը 25

Գյուղապետարանի ուշադրության կենտրոնում է գտնվում համայնքի դպրոցը:

Դպրոցի բազմաթիվ շրջանավարտներ սովորում են Հանրապետության բարձրագույն և միջին մասնագիտական ուսումնական հաստատություններում:

• Ուսումնական տարվա ավարտին համայնքի ղեկավարի անմիջական մասնակցությամբ դպրոցում տեղի ունեցավ միջոցառում, որի ժամանակ շրջանավարտներին բաժանվեց հուշանվերներ:

Ապրիլի 24-ին Եղեռնի նահատակների հիշատակին տեղի ունեցավ միջոցառում և պսակներ դրվեցին նահատակների հուշաքարին:

Համայնքում մայիսի 9-ին մեծ շուքով նշվեց Հայրենական մեծ պատերազմի և Շուշիի ազատագրման հաղթանակի օրը:

Համայնքի ղեկավարի ուշադրության կենտրոնում է գտնվում ֆիզիկական կուլտուրայի և սպորտի զարգացման խնդիրները, որի համար կազմակերպվում է տարբեր սպորտային միջոցառումներ:

2014թվականի ընթացքում սոցիալապես անապահով ընտանիքներին տրամադրվել է դրամական օգնություն:

2014 թվականի ամառային զորակոչը կազմակերպվել է գյուղապետարանի կողմից և ծառայությունից խուսափողներ չեն եղել: Գյուղապետարանի կողմից նորակոչիկների ընտանիքներին տրամադրվել է խրախուսական գումարներ:

Հայկականի միջնակարգ դպրոցում բացվել է նախակրթարան, որտեղ հաճախում են 33 երեխաներ, որը զգալիորեն թեթևացրել է նրանց ծնողների հոգսերը: Նախակրթարանի ֆինանսավորումը կատարվելու է Հայկական համայնքի բյուջեի միջոցներից:

Գյուղապետարանի շենքում գործում է բուժ ամբուլատորիա, որից օգտվում են համայնքի բնակիչները:

Համայնքում գործող «Խնամակալության և հոգաբարձության» հանձնաժողովի և համայնքի ղեկավարի աշխատանքների շնորհիվ չկան թափառող և անօթևան երեխաներ:

Համայնքում հաշվառված են 190 կենսաթոշակառուներ:

Հայրենական մեծ պատերազմի մասնակիցներ՝ 1 մարդ:

Նպաստառու ընտանիքներ՝ 37 ընտանիք:

Համայնքում ամառային զորակոչը անցնում է բարձր մակարդակով և չկան զորակոչից խուսափող երիտասարդներ:

Համայնքի տնտեսությունների թիվը 565

Բնակչության թիվը 1649

2014թվականի ընթացքում գյուղապետարանում ստացվել է տարբեր բնույթի 95 պաշտոնական գրություններ, որոնք օրինական կարգով մուտքագրվել են:

Գյուղապետարանի կողմից մարզպետարան և տարբեր կազմակերպություններ են ներկայացվել 102 պաշտոնական գրություններ:

Հաշվետու ժամանակահատվածում համայնքի ավագանին գումարել է 12 նիստ, որտեղ քննարկվել է տարբեր բնույթի հարցեր:

## ՀԱՄԱՅՆՔԻ ՀԻՄՆԱԽՆԴԻՐՆԵՐԸ

Այս ամենով հանդերձ համայնքն ունի դեռ չլուծված շատ հիմնախնդիրներ

1. Մշակույթի տան վերանորոգում:
2. Սանկապարտեզի շենքի վերանորոգում:
3. Խմելու ջրի ներտնտեսային ցանցի վերանորոգում:
4. Գյուղապետարանի շենքի վերանորոգում:
5. Ճանապարհների վերանորոգում:
6. Գյուղ տեխնիկայի ձեռք բերում

Արմավիրի մարզի Հայկական համայնքի 2014թվականի տարեկան  
բյուջեի եկամուտների հաշվետվություն

Եկամուտի անվանումը		Պլան	Կատարողական	Պլանի կատարման %
1	Հողի հարկ	6380.0	3022.5	47.4
2	Գույքահարկ շենք շինություններ	357.2	94.4	26.4
3	Գույքահարկ փոխադրամիջոց	2200.0	2984.3	135.6
4	Դոտացիա	15070.9	15070.9	100
5	Տուրքեր	174.0	198.0	113.8
6	Հողի վարձավճար	36.9	53.1	143.9
7	Սուբվենցիա	56.4	56.4	100
Ընդամենը		24275.4	21479.6	88.3

Համայնքի ղեկավար՝

Մ. Գևորգյան

Առաջատար մասնագետ՝

Կ. Վարդանյան

Արմավիրի մարզի Հայկական համայնքի 2014 թվականի տարեկան  
բյուջեի ծախսերի կատարման հաշվետվություն

Ծախսերի անվանումը		Պլան	Կատարողական	Պլանի կատարման %
1	Տեղական ինքնակառավարում	14126.7	12532.8	88.7
2	Մշակույթ սպորտ և կրոն	2637.1	2280.1	86.5
3	Սոց, արտոնություններ	456.4	180.0	39.4
4	Համայնքային ծառա.	900.0	793.2	88.1
5	Աղբահանում	1654.0	1552.4	93.8
6	Բնակարանային տնտեսություն	4402.9	4042.7	91.8
7	կապիտալ նորոգումների ծախսեր	765.3	765.3	100
8	Շենք շինության կառուցում	500.0	500.0	100.0
Ընդամենը		25442.4	22646.6	89.0

Համայնքի ղեկավար՝

Ս. Գևորգյան

Առաջատար մասնագետ՝

Կ. Վարդանյան

